



## RANGÁRÞING EYSTRÁ

# REGLUR OG GJALDSKRÁ FYRIR SKÓLASKJÓL HVOLSSKÓLA

### 1. gr.

Foreldrar/forráðarmenn sem ætla að nýta þjónustu Skólaskjólanna þurfa að sækja um fyrir börn sín skriflega á þar til gerðum eyðublöðum sem fást hjá ritara skólans. Ef barn ætlar að hætta í Skólaskjóli skal berast skrifleg tilkynning með mánaðar fyrirvara frá foreldri/forráðamanni til ritara skólans. Eyðublað fæst hjá ritara og miðast uppsögnin við 1. eða 15. dag hvers mánaðar. Hægt er að skrá barn í 1–5 daga í Skólaskjóli í viku. Skólaskjólíð er fyrir börn í 1.– 4. bekk í Hvolsskóla. Í Skólaskjóli gilda skólareglur Hvolsskóla.

*Frestur til að sækja um áskrift, breyta áskrift, segja upp áskrift og sækja um afslátt er til 15. hvers mánaðar. Breytingar taka tildi frá og með næstu mánaðarmótum á eftir. Afsláttur er ekki veittur afturvirkur.*

### 2. gr.

Boðið er upp á vistun í Skólaskjóli alla virka daga á skólaárinu að loknum skóladegi. Einnig er opið á foreldradögum og starfsdögum þegar leikskólinn Örku er starfandi. Skrá þarf sérstaklega í vistun þá daga sem nemendur eru ekki í skóla og þarf skráning að berast 2 virkum dögum fyrir tilsettan dag. Kostnaður fyrir þá daga eru krónur 1.880,- auk fæðis. Opnunartími Skólaskjólanna er frá því skóla lýkur til kl. 17.00 alla daga nema til kl. 16:00 á föstudögum.

Þá daga sem eru ekki nemendadagar í skólanum opnar Skólaskjólíð kl. 8. Fyrir fulla vistun í Skólaskjóli greiðast kr. 8.650,-. Fyrir síðdegishressingu í fullri vistun er greitt kr. 2.380,-. Upphæð gjalds er bundið vísitölu neysluverðs miðað við 1. desember ár hvert og uppfæriskr. 1. janúar ár hvert.

### 3. gr.

Rangárþing eystra sendir greiðsluseðil vegna þjónustugjalda mánaðarlega. Verði dráttur á greiðslum verða reiknaðir dráttarvextir, sbr. lög um vexti og verðtryggingu nr. 38/2001.

### 4. gr.

Að jafnaði koma forföll ekki til frádráttar þjónustugjöldum nema um veruleg forföll sé að ræða og skal það metið í hverju tilfalli fyrir sig af skólastjóra. Tilkynna þarf forföll í Skólaskjóli til ritara skólans. Umsjónarmaður í Skólaskjóli heldur dagbók yfir þá sem nýta Skjólíð. Sími í Skólaskjóli er 841-8604 og hjá ritara Hvolsskóla 488-4240.

### 5. gr.

Ef foreldrar/forráðamenn barna í Skólaskjóli eru jafnframt með barn í leikskóla í Rangárþingi eystra, er veittur 25% afsláttur af mánaðargjaldi. Ef foreldrar/forráðamenn eiga tvö börn í Skólaskjóli er veittur 50% afsláttur af mánaðargjaldi fyrir annað barnið. Ef tvö börn eru í Skólaskjóli auk barns í leikskóla er veittur 25% afsláttur fyrir annað barnið í Skólaskjóli og 50% afsláttur fyrir hitt barnið í Skólaskjóli. Alltaf er greitt fullt gjald fyrir síðdegishressingu.

**Samþykkt í sveitarstjórn Rangárþings eystra 13. desember 2018**